

Mbunda - Akulivanga Munzinzime Nzita Kulombela Visoneka - Beginning WP
Scriptures

Kulitavele Visoneka - Confession Scriptures

Ezela 9:7 Kutunda ku matangwa a vakukulwila vetu nakweta ku litangwa lya lelo, yetu vene, vanu vove, tunalingi vuvi vvakama manene. Omwo a vuvi vvetu, yetu na vimyene vetu, na vaka-kukombelela vetu tunawila mu mavoko a vimyene veka, co vanakala nakututsiya, nakutwivila, nakututwala mu vunzinda. Vanatuzivisa shwamwa manene, ngwe mutunafu lelo.

Ezela 9:13 Nameme muvyalingiwile vyuma vyoshe vije kuli yetu omwo cihiso ca vuvi vvetu, na kupenga-penga kwetu, twazivuka ngeci yove, Njambi yetu, watunyanyamesele kamandondo lika kutuvakana vilinga vyetu vya vuvi, co unatutava ngeci tuyoye.

Nehemiya 9:2 Vakevo valyangunukile laja na vaka-kwija voshe. Vazalele vikeleya nakulishuwila livu ku mitwe yavo kupwa cimweso cakuvilila. Asinoni vemanene nakulitavela vivi vije vivalingile vakevo na vakukulwila vavo.

Myaso 24:3,4 Veyajo vakalamata ku lilundu lya Shukulu Kalunga? Veyajo vanapande kwimana mu Njuvo yendi yakujela? 4 Kuvanga vaje vanajele mu vimbunge, nakulinga vipangi vyavivwa, vaje kuvesi kulemesa tumponya, nambe kulinga mazivasano a makuli.

Myaso 73:13 Seo mukajo njilinayo nga njilijelesa, kulinga vuvi?

Isaya 59:2 Oloni vuvi vweni vukevwo vunamyangununa na Njambi yeni. Njambi kesi kuziva malombelo eni omwo vuvi vweni.

Isaya 64:6 Yetu voshe tunapu vaka-vuvi, nameme vilinga vyetu vyavivwa vinapu vyakujwala simbu yoshe. Omwo vuvi vvetu, yetu tunapu ngwe maputa akujujwama, co apekumuka na lihunzi.

Njlemya 5:25 Oloni vuvi vweni vunamivindikisa ngeci kesi njimivezikise.

Hoziya 13:8 Njikamilwisa ngwe mbeya uje nazimbalesa vana vendi, co njikamisanyozola. Njikamilwisa ngwe ndumba, nakumisanyozola vipuka-vipuka ngwe cikashama.

Daniel 9:8,9 Vimyene vetu na vaka-kushwana vetu na vakukulwila vetu vanalingi vyuma vya shwamwa nakulinga vuvi ku mesho ove Shukulu Kalunga. 9 Yove wakala na mema ku mbunge, co u muka-kusambesa, nameme yetu tu vaka-kukutengulukila.

Mako 9:24 Aje vene ishe ya uje mwanike watambekele ngwendi, "Yange njinakulaela, oloni kesi manene. Njikwaseko ngeci nifikulaele manene!"

Luka 11:2 Yesu wendekele kuli vakevo ngwendi, "Omo mulombela endekeni ngweni, 'Tatetu, valemese lizina lyove, vumwene vvove vwije. (Mateo 6:10)

Yowano 14:6 Yesu wamukumbulwile ngwendi, "Yange ngila, na vushunga, na

mwonyo, naumo wai aya kuli Tate oloni kuvanga ali yange.

Yowano 17:15 Kunjikulombo ngeci uvatundise ano a kaye embwe, oloni njikulomba ngwange uvanyunge kuli Citozi.

Yakomba 4:8 Shwenyeni kuyehi na Njambi, co na ikeye lalo akashwenya kuyehi nen. Jweleseni mavoko yeni, yeni vaka-vuvi! Jweleseni vimbunge vyeni, yeni vaka-civembulu!

Loma 6:12-14 Kesi mutave vuvi vushwane mu mivila yeni ije kuyesi kuyoya myaka yaingi, ngeci mwononoke mashungu avwo. 13 Nambe vilyo vyeni kesi muvyecele ku vuvi mukuvipangesa mu vyuma vya kupenga-penga. Oloni likundikeni kuli Njambi, ngwe vanu vaje vavanatundisa ku kutsa nakuvatwala ku mwonyo, co kundikeni vilyo vyeni vyoshe kuli Njambi ngeci vavipangese mu vyuma vya vushunga. 14 Omwo vuvi kuvwapandele kumishwana embwe, omwo kumwesi nakuyoya ku lishiko embwe oloni mu kutetela kwa Njambi.

VaHevelu 9:28 Mu cifwa eci vene, Kilistu lalo walyanene mukulikombelela lumo mukutundisa vivi vya vavangi. Akajomboloka simbu yamucivali, kesi lalo akendeka a vuvi embwe, oloni mukwovola vaje vanamuvandamena.

1 Yowano 1:9 Oloni nga tulitavela vivi vyetu kuli Njambi, co Ikeye anyunga cikulaeso cendi nakulinga vije vya vushunga, ikeye akatusambesa ku vivi vyetu nakutujelesa ku vilinga vyetu vyoshe vyavivi.

Kusambesa Visoneka - Forgiveness Scriptures

Mateo 6:12-15 tusambese ku milonga yetu, ngwe yetu lalo mutukasambesa vaka-kutuvulumwina. 13 Kesi ututwamenene ku vyeseko, oloni twamene ku vuvi! Omwo vumwene vunapu vvove, na nzili na vumpau, ku myaka yoshe. Ewa.' 14 "Omwo nga musambesa vakweni ku milonga yavo, Ishweni ali mwilu akamisambesa yeni lalo. 15 Oloni nga kumusambesa vakweni ku milonga yavo, co Ishweni lalo kakamisambesa ku milonga yeni.

Mateo 18:21,22 Asinoni Petulu wezile kuli Yesu wamwihwile ngwendi, "Mwene, nga mukwetu anga acinjivulumwina, visimbu vingaijo njikamusambesa? Visimbu vitanu na vivali ndi?" 22 Yesu wamukumbulwile ngwendi, "Kunjikuleka ngwange visimbu vitanu na vivali embwe, oloni visimbu makumi atanu na avali na visimbu vitanu na vivali,

Mateo 18:35 Co Yesu wamanesele kwendeka ngwendi, "Mukemwo mwakalinga Tate wa mwilu ku munu woshe, nga kuusambesa mukweni na mbunge yove yoshe."

Mako 11:25,26 Co omo mwimana nakulombela, sambesa mukweni nga uli na vimo nendi, ngeci Ishweni ali mwilu akamisambesa neni lalo ku milonga yeni munalingi. 26 Nga kumusambesa vakweni ku milonga yavo, Ishweni lalo ali mwilu kakamisambesa ku milonga yeni."

Luka 6:37 "Kesi muhise vakweni, kutewa neni Njambi akamihisa, kesi mupaye vakweni, kutewa neni Njambi akampipaya, sambeseni vakweni, co Njambi akamisambesa.

Luka 11:4 Tusambese ku vivi vyetu, ngwe yetu lalo mutukasambesa vaka-kutuvulumwina. Kesi ututwamenene ku vyeseko.' "

Luka 17:3,4 Nyanyameni ku vije mulinga. "Nga mukweni alinga vuvi munangule, co nga alitavela, musambese. 4 Co nga akuvulumwina lutanu na luvali mu litangwa limo, co lalo aija kuli yove lutanu na luvali nakulitavela, musambese."

Luka 23:34 Yesu wendekele ngwendi, "Tate vasambese! Omwo kuvazivuka vika valinakulinga." Co valipangelele vuzalo vwendi akati kavo akuta ñela.

Vilinga vya Miluwa 8:22 Ngcivene, tenguluka utunde ku viyongola vyove vyavivi, co lomba kuli Mwene ngeci akusambese ku viyongola vyove ngwe evi.

Loma 4:7 "Vanavezika vanu vaje Njambi navasambesa ku kupenga-penga kwavo, vanu vaje vivi vyavo vanavifwiki!

Efeso 1:7 Omwo tunapatuka a maninga a Kilistu, ngeci na vuvi vwetu vanavusambesa, kutetela kwa Njambi kunapu kwakama,

Efeso 4:32 Oloni pweni vaka-ngozi na vaka-mbunge ya lyovwa-owwa kuli umo na mukwavo, co lisambesen iumo na mukwavo, ngwe mwanamisambesa Njambi muli Kilistu.

Kolose 1:14 muli ikeye vanatupatula, kukekwo, kusambesa kwa vivi vyetu.

Kolose 2:13-15 A simbu imo mwatsile ku munzinzime omwo a vuvi vweni, omwo mwapwile vaje kesi vaYunda vakujeneka Lishiko. Oloni ololo Njambi naminena ku mwonyo muli Kilistu. Njambi watusambesele vivi vyetu vyoshe, 14 watundisile cishimbikiya ca makongo etu na mshiko aco, co wacitundisile akucishukika a cilindakano. 15 Co a cilindakano cije Kilistu walipatwile ikeye vavenya kutunda ku nzili ya minzinzime ije ilinakushwana na moko ya vaka-kushika, walingile eci mutanya mwelu kuli vakevo akuvatwamenena ngwe vinzinda mukuhyan kwendi.

1 Yowano 1:9 Oloni nga tulitavela vivi vyetu kuli Njambi, co Ikeye anyunga cikulaeso cendi nakulinga vije vya vushunga, ikeye akatusambesa ku vivi vyetu nakutujelesa ku vilinga vyetu vyoshe vyavivi.

1 Yowano 2:12 Njilinakumisonekela yeni vana vange vavandondo, omwo vivi vyeni vanavisambesa a lizina lya Kilistu.